

INUIT ATAQATIGIIT

Inatsisartuni



18. december 2019

Inatsisartut Suleriaasianni § 37 imm. 1 naapertorlugu Naalakkersuisunut apequt imaattoq matumuuna saqqummiuppara.

Naalakkersuisunut apequt:

- 1. Meeqqat snescooterersinnaatitaanerisa ukiutigut appaavigineqarnissaannut Naalakkersuisut isumaqataappat, tassa inuusuttuaqqat sulii 18-iliineqanngitsut snescooterersinnaalersillugit?**
- 2. Meeqqanut snescooterit atorneqarneranni aqqusinikkut angallannermi isumannaatsuunissaq, ajutoornerit il.il eqqarsaatigalugit misilittakkat qanoq ippat?**
- 3. Pisami matumani paasissutissanik allanik attuumassuteqarsinnaasunik Naalakkersuisut paasissutissiisnaappat?**

(Inatsisartunut ilaasortaq, Stine Egede, Inuit Ataqatigiit)

Tunggavilersuut:

Meeqqanut snescooterit angallannermut inatsisip iluaniipput, tassa angallannermut inatsimmi §2, imm. 2, nr. 2 naapertorlugu angallatinut motoorilinnut ilaammata.

Taamaasillutik meeqqanut snescooterit inunnit 18-ileereersimasunit taamaallaat ingerlanneqarsinnaapput. Meeqqanulli snescooterit inersimasut snescooteriitut assersuunneqarsinnaanngillat, tassa motorit angissusaat sakkortussusaallu eqqarsaatigalugit; taamatullu sukkatsissinnaaneri killeqarlutik. Sukkassuserisnaasaat annikinneralaarsuuvoq. Naliginnaasumik mikisut akunnermut 20 km-erersorsinnaapput annerulaartullu akunnermut 45 km-erersorsinnaallutik. Assersuutitut løbehjulit innaallagissamoortut akunnermut 20 km-erersorsinnaasut meeqqanit 15-iliineqanngitsunit ingerlanneqarsinnaapput, pinnguartarfinni inersimasunit nakkutigineqanngikkaluarlutik aammattaaq atorneqarsinnaallutik, soorlu aamma angallatit motoritortut assigiinngitsut pinngussatut motorilittut isigineqartut. Taamaattumik meeqqanut snescooterinut malitassat naapertuutinningsutut misinnarput.

Ullut suliffiusut qulit qaangiutinnginneranni akineqarnissara kissaatigaara.